



Broj: 02-02-331-7/21  
Tuzla, 17.9.2021.

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FBiH  
DOM NARODA  
- n/r predsjedavajućeg -

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Priljeno: 20-09-2021			
Org. jed.	Broj	Priloga	Vrijednost
02	-02-	1370	18

Predmet: Zaključci, izvještaj i mišljenje o nacrtu Zakona o organizacijama i reprezentativnim organizacijama osoba sa invaliditetom i civilnih žrtava rata - dostavljaju se

U prilogu Vam dostavljamo zaključak Skupštine Tuzlanskog kantona broj: 01-02-331-6/21 od 14.9.2021. godine, Zaključak Vlade Tuzlanskog kantona i Mišljenje Ministarstva za rad, socijalnu politiku i povratak Tuzlanskog kantona, kao i Izvještaj Komisije za rad i socijalnu politiku Skupštine Tuzlanskog kantona o nacrtu Zakona o organizacijama i reprezentativnim organizacijama osoba sa invaliditetom i civilnih žrtava rata.

S poštovanjem

Dostavljeno:  
1x Naslovu  
1x Federalnom Ministarstvu rada i socijalne politike  
1x Evidenciji  
1x Arhivi



Sekretar Skupštine

Enisa Hasanagić

Na osnovu člana 111. stav 2. Poslovnika Skupštine Tuzlanskog kantona („Službene novine Tuzlanskog kantona“ br. 13/19 i 5/20), razmatrajući nacrt federalnog Zakona o organizacijama i reprezentativnim organizacijama osoba sa invaliditetom i civilnih žrtava rata, Skupština Tuzlanskog kantona, na sjednici od 14.9.2021. godine, donosi

## ZAKLJUČAK

### I.


Skupština Tuzlanskog kantona prihvata Mišljenje Ministarstva za rad, socijalnu politiku i povratak Tuzlanskog kantona i izvještaj Komisije za rad i socijalnu politiku Skupštine Tuzlanskog kantona na nacrt federalnog Zakona o organizacijama i reprezentativnim organizacijama osoba sa invaliditetom i civilnih žrtava rata.

### II.

Mišljenje i izvještaj iz tačke I. ovog zaključka uputit će se Domu naroda Parlamenta Federacije BiH i Federalnom ministarstvu rada i socijalne politike.

Bosna i Hercegovina  
-Federacija Bosne i Hercegovine-  
TUZLANSKI KANTON  
Skupština

Broj: 01-02-331-6/21  
Tuzla, 14.9.2021. godine



Predsjednik  
Skupštine Tuzlanskog kantona  
Sladjan Ilic

Na osnovu člana 26. Poslovnika Skupštine Tuzlanskog kantona ("Službene novine Tuzlanskog kantona" br. 13/19 i 5/20) i člana 21. stav 3. Poslovnika o radu Komisije za rad i socijalnu politiku Skupštine Tuzlanskog kantona broj: 02-02-363-2/20 od 3.6.2020. godine, Komisija za rad i socijalnu politiku održala je sjednicu 10.9.2021. godine, te Skupštini Tuzlanskog kantona, podnosi

## IZVJEŠTAJ

Komisija za rad i socijalnu politiku Skupštine Tuzlanskog kantona je razmatrala i podržala nacrt federalnog Zakona o organizacijama i reprezentativnim organizacijama osoba sa invaliditetom i civilnih žrtava rata i mišljenje Ministarstva za rad, socijalnu politiku i povratak Tuzlanskog kantona.

Bosna i Hercegovina  
- Federacija Bosne i Hercegovine -  
TUZLANSKI KANTON  
Skupština  
- Komisija za rad i socijalnu politiku



Predsjednica  
Komisije za rad i socijalnu politiku

*Amila Hodžić*  
Amila Hodžić

Broj: 02-02-331-5/21  
Tuzla, 10.9.2021.g.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
V L A D A

Broj: 02/1-02-11490/21  
Tuzla, 19.07.2021. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“ broj: 17/00, 1/05, 11/06, 13/11 i 15/17), Vlada Tuzlanskog kantona, na sjednici održanoj dana 19.07.2021. godine, donosi

## ZAKLJUČAK

### I

Prihvata se Mišljenje Ministarstva za rad, socijalnu politiku i povratak broj: 09/1-02-11490/21 od 13.07.2021. godine na nacrt Zakona o organizacijama i reprezentativnim organizacijama osoba sa invaliditetom i civilnih žrtava rata.

### II

Mišljenje iz tačke I ovog Zaključka dostavit će se Skupštini Tuzlanskog kantona na razmatranje.

#### DOSTAVITI:

- 1 x Skupštini Tuzlanskog kantona
- 1 x Ministarstvu za rad, socijalnu politiku i povratak
- 1 x Evidenciji
- 1 x a/a

PREMIJER KANTONA

Kadrija Hodžić





Broj: 09/1-02-11490/21  
Tuzla, 13. 07. 2021. godine

## MIŠLJENJE NA NACRT ZAKONA O ORGANIZACIJAMA I REPREZENTATIVNIM ORGANIZACIJAMA OSOBA SA INVALIDITETOM I CIVILNIH ŽRTAVA RATA

Ministarstvo za rad, socijalnu politiku i povratak TK-a je razmotrilo nacrt Zakona o organizacijama i reprezentativnim organizacijama osoba sa invaliditetom i civilnih žrtava rata, te se izjašnjava da isti podržava, uz sljedeće primjedbe i prijedloge:

S obzirom da se na nivou Federacije donosi niz novih zakona koji se odnose i na prava osoba sa invaliditetom, a među kojima je i ovaj Zakon, mišljenja smo da je potrebno prije svega uskladiti Zakon o osnovama socijalne zaštite, zaštite civilnih žrtava rata i zaštite porodice sa djecom FBiH ("Službene novine Federacije BiH" broj: 36/99,54/04, 39/06, 14/09 i 45/16) kao i podzakonske akte sa Konvencijom o pravima osoba sa invaliditetom u dijelu definisanja pojma osoba sa invaliditetom, kao i vrsta invalidnosti.

Smatramo da je neophodno precizirati svrhu, ulogu i cilj sticanja statusa reprezentativne organizacije, kao i kako će se takav status odraziti na dalju mogućnost apliciranja za dodjelu budžetskih sredstava, kako reprezentativnih tako i onih koji to nisu.

1. U članu 2. stav (1) nacrtu u tački d), e), i f) brisati riječi: „iste vrste invaliditeta“ i umjesto njih dodati riječ: „sa invaliditetom“.

### Образложење

Podržavamo zakonsko regulisanje sticanja statusa reprezentativne organizacije osoba sa invaliditetom ali smatramo da bi se zakonski trebale regulisati dvije vrste organizacija osoba sa invaliditetom: jedna je reprezentativna organizacija osoba sa invaliditetom za osobe sa svim vrstama invaliditeta (dakle ne za svaku vrstu invaliditeta posebno) urođenog ili stečenog van ratnih okolnosti. U suprotnom bi imali više reprezentativnih organizacija osoba sa invaliditetom, tačnije onoliko koliko vrsta invaliditeta postoji. Smatramo da se jedna reprezentativna organizacija osoba sa invaliditetom može i treba boriti za bolji status svih osoba sa invaliditetom sa urođenim ili stečenim van ratnih okolnosti. Posebnu reprezentativnost bi trebala da ima organizacija osoba sa invaliditetom za osobe sa statusom invalida rada, budući da je ostvarivanje prava osoba sa statusom invalida rada vezano i za propise koji se ne odnose na osobe sa invaliditetom sa urođenim ili stečenim van ratnih okolnosti.

## 2. Iza člana 9. dodati novi član 9a.:

„Federalni ministar rada i socijalne politike će, u roku od 60 dana od dana stupanja na snagu ovog zakona, posebnim aktom propisati tehničke i materijalne uslove kao i uslove u pogledu ljudskih resursa neophodnih za sticanje statusa OOSI i OCŽR kao i dokumentaciju na osnovu koje se dokazuju“.

### Obrazloženje

U cilju utvrđivanja ispunjavanja materijalnih, tehničkih i kadrovskih uslova za sticanje statusa OOSI i OCŽR neophodno je iste precizirati jednoobrazno za područje cijele Federacije BiH, kao i dokumentaciju na osnovu koje se dokazuju .

## 3. U članu 12. tačka a) iza riječi: „, po“ umjesto : „tri člana“ staviti: „, pet članova“.

### Obrazloženje

Smatramo da status reprezentativnosti može steći kantonalna organizacija, koja mora okupljati redovne članove iz većine općina tog kantona i to najmanje pet članova iz jedne općine, obzirom da se radi o većem broju općina.

## 4. Iza člana 14. dodati novi član 14a.:

„Federalni ministar rada i socijalne politike će, u roku od 60 dana od dana stupanja na snagu ovog zakona, posebnim aktom propisati dokumentaciju kojom se dokazuje ispunjavanje uslova za utvrđivanje statusa reprezentativnosti OOSI i OSŽR“.

### Obrazloženje

U cilju utvrđivanja ispunjavanja uslova za sticanje statusa reprezentativne OOSI i OCŽR neophodno je precizirati kojom dokumentacijom se isti dokazuju i to jednoobrazno za područje cijele Federacije BiH.

5. Smatramo da je **član 28. stav (2)** postavljen jako široko i da ostavlja dilemu šta se podrazumjeva pod „podrškom osnovnom funkcionisanju organizacije, radi izvršavanja programskih aktivnosti i zadataka“, te da bi isti trebalo precizno definisati budući da iskustva pokazuju da ovako široko propisani pojmovi ostavljaju mogućnost manipulacije sa troškovima.

U vezi sa **članom 28. stav (1) i (2)** nacрта, Ministarstvo finansija TK je dalo Mišljenje da predloženi nacrt Zakona može imati veći fiskalni uticaj na Budžet Tuzlanskog kantona u odnosu na planirana sredstva, da će u narednim godinama biti potrebno izdvajati dodatna sredstva u Budžetu Tuzlanskog kantona, te da imajući u vidu trenutni nivo rashoda, Budžet Tuzlanskog kantona ne posjeduje finansijske kapacitete u dijelu prihoda i primitaka za dodatno finansiranje rashoda koje će zahtjevati implementaciju predloženog nacрта Zakona.

**6. U članu 29. iza riječi: „donosi“ dodati riječ: „federalni“**

#### **Obrazloženje**

**Kako** bi se postupak, kriteriji, način raspodjele sredstava, prioriteta, namjena i svrha dodjeljenih sredstava, izvještavanje i obrasci izvještavanja, kontrola utroška kao i druga pitanja u vezi sa namjenskim utroškom sredstava donošenjem podzakonskog akta uredili jedinstveno na području cijele Federacije BiH, a ne pojedinačno (i različito) svaki kanton za sebe kao što je u nacrtu predloženo, neophodno je precizirati da isti donosi Federalni ministar rada i socijalne politike.

S poštovanjem.


Obradili:

Esmina Divjaković, dipl. pravnik i

Arneta Bratovčić, dipl. pravnik

**DOSTAVLJENO:**

1. Naslovu,
2. Evidenciji,
3. Arhivi



**MINISTAR**

**Esad Džidić, dipl. ing. tehnologije**



Broj: 07/1-11- 13397/2

Datum,

23-06-2021

TUZLANSKI KANTON  
Ministarstvo za rad, socijalnu politiku i povratak

**PREDMET: Mišljenje, dostavlja se**

Ministarstvo finansija zaprimilo je Vaš akt broj: 09/1-02-11490-1/21 od 03.06.2021. godine, u čijem prilogu je dostavljen nacrt Zakona o organizacijama i reprezentativnim organizacijama osoba sa invaliditetom i civilnih žrtava rata (u daljem tekstu: nacrt Zakona) prosljeđen od strane Doma naroda Parlamenta Federacije Bosne i Hercegovine, radi davanja mišljenja u pogledu finansijskih sredstava potrebnih za realizaciju nacrta Zakona, a u skladu sa članom 30. stav 1. alineja c). Poslovnika o radu Vlade Tuzlanskog kantona („Službene novine Tuzlanskog kantona“ br: 7/05, 7/07, 11/08 i 16/13).

Ministarstvo finansija na osnovu uvida u pomenuti dokument i dostavljeno obrazloženje, daje slijedeće:

**MIŠLJENJE**

Član 28. stav 1. i 2. nacrta Zakona uređuju finansiranja kantonalnih reprezentativnih organizacija OOSI i OCŽR, te da se finansiranje istih vrši u skladu sa raspoloživim sredstvima za tekuću budžetsku godinu, a u svrhu podrške osnovnom funkcionisanju organizacija, radi izvršavanja programskih aktivnosti i zadataka.

Ministarstvo finansija je mišljenja da predloženi nacrt Zakona može imati veći fiskalni uticaj na Budžet Tuzlanskog kantona u odnosu na planirana sredstva u Budžetu Tuzlanskog kantona za 2021. godinu. Ministarstvo za rad, socijalnu politiku i povratak ne raspolaže podacima o broju udruženja i organizacija osoba sa invaliditetom i civilnih žrtava rata koje djeluju na području Tuzlanskog kantona, kao ni onima koji bi bili potencijalna kantonalna reprezentativna, a posebno sa podacima o iznosu sredstava neophodnih za osnovno funkcionisanje organizacija radi izvršavanja programskih aktivnosti i zadataka.

Takođe, Ministarstvo za rad, socijalnu politiku i povratak iz planiranih sredstava ne finansira rad (osnovno funkcionisanje organizacija radi izvršavanja programskih aktivnosti i zadataka) udruženja i organizacija lica sa invaliditetom i civilnih žrtava rata, nego isključivo projekti sa kojim apliciraju na javne pozive.

Na osnovu predhodno navedenog Ministarstvo finansija je mišljenja da će u narednim godinama biti potrebno izdvajati dodatna sredstva u Budžetu Tuzlanskog kantona. Međutim, imajući u vidu trenutni nivo rashoda, Budžet Tuzlanskog kantona ne posjeduje finansijske kapacitete u dijelu prihoda i primitaka za dodatno finansiranje rashoda koje će zahtijevati implementaciju predložemog nacrta Zakona.

S poštovanjem,

Dostavljeno:

1x Naslovu

Vladi TK

1x Evidencija

1x a/a

MINISTAR  
*Vedran Lakić*  
Vedran Lakić, dipl.ecc